

113 年全國語文競賽原住民族語朗讀 【鄒語】 國中學生組 編號 1 號

ma'pongpangnu'u ci leaut'ucu emoo

panto cihi ci leaut'ucu emoo tomo yuyupasɯ ci thauke, mo yaa mi'usnu
ci cou ho ehpungɯ, engha 'e leaut'ucu emoo eni, leanana tiu'hi'hisi to
yupasɯ to thauke. isi eyoo'ho'a to thauke 'e leaut'ucu emoo, mi'usni ho
yainca, “ mio mainenu na a'a'ausnasi to i'o totalɯ ci leako hi'hioa?
tuyafa 'o leako aut'uca ci tposɯ no yupasɯ, o'anateko peelɯ i'vaha hioa 'e
leaut'ucu emoo. ”

isi yainca no koyusi to leaut'ucu emoo, “ tesicu poa tosvo ta thauke
a'o, no ataveisi maitan'e ma cuma na ta'ula hioa? te'o tibangnu? uk'a ci
tonɯ'u, noc'o bonɯ? pahikokoe'i. 'iya, os'ocu cohivi na nte'o peipeis'ausna,
ta'u ko'ko yaa nanghia ho ta'ucu uk'ana hioa ho poa yono emoohe. ”

isicu macihi eyoho'a 'o mosola yuevaho to thauke. isi ahoza
mi'usni 'omo cihi ho yainca, “ mo pio na osko yuevaha to thauke ? ” isi
yut'inga ho yainca, “ mo se'conia(se'conza) no kunkunu ci husɯ no
sangeava. ” yainca to leaut'ucu emoo, “ 'a'eni 'e tposno yuevahasu, aupcio
yusuhngu, taɛzi hoc'o poa meemohɯa. ” isi mi'usni 'o mon'a cihi ho
yainca, “ naeno suu, mio pio na osko yuevaha? ” isi yut'inga, “ mo
se'conza(se'conia) no peosvuta ci heoma. ” isi yainca to leaut'ucu emoo,
“ 'a'eni 'e tposusu no yuevaha, teko taɛzi hoc'o poa mvoevɯhɯ. ”

isi emomoengua to thauke 'e hiasi ma'pongpangnu'u tamo
lolekoknuyu ci leaut'ucu emoo, maica yontala hia mi'usnu ta hi'hioa ta
hpxhpxngxu, 'emo tma'usnu ta hpxhpxngxu ci cou, la tɯhtɯs'uhe tala
popeislɯ ci cou.

la boemi ta yupasɯ maitan'e ho eya nanghia, maicac'o, ho tac'u uk'ana
a'a'ausna 'e yupasɯ, teko meelɯ noa tiova ho uhno 'auesiesi emooana.

i'vaha ecnguha to mameoi ho yainca...

'emo cihi ci cou, honci peelɯ noe'oci no moc'o okosi ci hi'hioa, tee
yaeza peelɯ noe'oci tomo meoino hi'hioa. 'emo cihi ci cou, honci
totpiei tamo okono hi'hioa, teec'o maezo totpiei tamo meoino hi'hioa.

honci o'te peelɯ tae'oci na lamu hia titho no yupasɯ ta maitan'e, sia
nante tovei no mou'umtu ci yupasɯ... honci peelɯ tae'oci no macucuma no
mocmo ci cou na muu, sia nante mofi muu no iachimu macucuma....

'emo cihi ci soskuskunu o'atee meelɯ aut'ucu nomo yuso ci thauke,
honcisi o'te umnuɯ 'e thauke eni, tesi umnuɯ 'omo cihi ci thauke, tesi einva
eni, potfanga 'omo cihi, o'atee ahtu meelɯ umnu ci soskuskunu 'emo maica
ci yatatiskova, teec'o asngucva tolei no yupasɯ.

不義的管家

某財主有一管家，有人向他告狀說管家浪費主人的財物。主人把管家叫來說：「我聽到的事是怎麼一回事呢？把你經管的帳簿交出來，你不能再擔任管家的職務了。」

管家心想：「主人想辭退我，今後我該做什麼？鋤地嗎？沒有力氣，討飯嗎？怕難為情。我有辦法了，可以使我在失業時，有人肯接納我到他們的家裡住。」

他把主人的債戶一一叫來。他對一個債戶說：「你欠我主人多少？」那人說：「一百桶苦茶油。」管家說：「這是你的帳，快改寫成五十。」他問另一個說：「你欠多少？」另一個人回答說：「一百麥子。」管家說：「改寫八十吧。」

主人誇獎這個不誠實的管家機警的行為，因為在應付世事時，俗世的人竟比光明的人更加精明。